

CBETA電子佛典集成

CBETA Chinese Electronic Tripitaka Collection
eBook

T85n2853

布薩文等

財團
法人

佛教電子佛典基金會



目次

- [編輯說明](#)
- [章節目次](#)
 - [布薩文](#)
 - [布薩文](#)
 - [罷四季文](#)
 - [行城文](#)
 - [行城文](#)
 - [行軍轉經文](#)
 - [轉經文](#)
 - [置傘文](#)
 - [置傘文](#)
 - [置傘文](#)
- [卷目次](#)
 - 1.
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 2853
布薩文等

諸佛現興善權化物。群生瞻奉鄙惑消亡。雖法闡三乘戒
□□□□□鈍開合有差。凡所見聞俱蒙勝益。此會事也時我
□□□□爰及教授闍梨為勸道之主也。將使真風廣扇佛日重明
□□□謝之端土庶展聽聞之福。于時開寶地豎金幢。香煙與瑞
□□□□清楚共笙歌而合響籌稱解脫頂戴受持戒號防非深□□□菩
提藏種霑甘露。以抽芳覺樹祥花。結香園之味果。以斯一一
□□□□先用莊嚴。梵釋諸王龍天八部。惟願身光增益聖力冥□□
念含生匡茲教法。使陰陽應序。風雨聲和。稼穡豐登。人民樂業。
又□勝福莊嚴聖神贊。伏願壽齊聖石。命等靈椿。官寮善披無疆尊
宿。福資有識。然後兵刀永絕。教跡流通。凡厥含情俱登覺道。

布薩文

夫法王應現威振大千。法教興崇弘通是務。況宣傳戒藏。每月二時
精守不逾福資家國。於是幢鍾召眾奏梵延僧。香騰五雲幡暉眾綵。
總斯多善無限良緣即用莊嚴。上界天仙龍神八部。惟願威靈潛衛聖
德冥加。使日月貞明。陰陽克序。和風應節。甘雨順時。四人有樂
於安邊。萬里無虞於永歲。即願法永扇釋教弘敷。一切含靈俱登覺
道。

布薩文

夫竊見流沙一方緇徒累百。其能秉惠炬建法幢。弘志教於即時。豎
津梁於來世者。豈非我教授之調歟。故能使二部律儀策勲而不倦
三 □躅相繼而無窮。布薩之法洗滌於煩籠。住持之功繼明於動
植。唯願以斯自□無疆福因先用莊嚴。梵釋四王龍天八部。即願福
德逾增威光轉盛。消除疫癘利樂生靈。三邊無變怪之憂。百穀有豐
登之樂。又用功德奉資聖神贊普。伏願明齊舜宇靡叶堯湯。補恩惠

於八方。親鑿黎於一子。次用功德莊嚴我節兒上論。伏願榮高往歲慶益今辰。此用莊嚴都督社公。惟福逐年長壽逾金石。然後散霑法界普及有情。

罷四季文

夫佛日舒光無災不遣。般若流演河福不臻。今者啟八龍之寶藏。開五印之真文。會二百之梵輪。於三旬而轉誦者。則我當今聖神贊保。願功德之端敘矣。伏惟聖神贊普道邁義軒。功超堯舜握圖御歷秉錄匡時八表廓清廣弘。十善家以別崇妙福特豎芳。因建四季道場。希萬機永古。由是照自舟闕遠今燉煌每歲修崇恒為常戒。今茲會者則春季之終畢矣。是日也無田初綠桃苑讒紅。玉綵向終金言告罷。相此殊勝無疆福。因先用莊嚴。

夫應化無方神用不倦。恩霑動植。福洽生靈。天中之天獨擅其務。至於妙事豈足繁詞。此瑞之興抑有由矣。今則三春中律四序初分。絮拆南枝。冰開北岸。廣法王之化跡冀彌千殃。揚大聖之辭榮恠臻萬善。於是不局月殿。夜擊霜鍾受集緇徒。競持幡蓋列四門之勝會旋一郡之都城。像設金容。雲非鷲嶺。眉開毫月。花步蓮宮。傾市傾城搖山蕩谷。迦維厭慾豈用年哉。所冀四王護世百福。潛加攬搶掃於天門。疫癘藏於地戶。慶雲有世善色。凝空倒載干戈。修文偃武。總斯功德迴奉龍天八部。惟願威光恒赫神力無涯。災害不生禍亂不作。又持勝福上資聖神贊普。唯願萬國納貢四海來庭。寶歷恒昌。金石比壽。又持勝福莊嚴節兒都督。唯願壽命逾遠祿極萬鐘部落。使官遼門傳九戟。然後散霑法界普泊有情。賴此勝因咸登樂果。

行城文

我法王之利見也大矣哉。故降神兜率現影王城。觀妙色有苦於癰瘡。骸寶住乃踰於宮闕。御四魔而登正覺。居三界而獨稱尊。神化難量叵能談也。今者春陽今月地拆萌芽。鳥嚮含春風搖。抑於是豁開奈苑洞啟蓮宮。金相煥爛於四衢。銀毫暉舒於八極。隱隱振振如旋白飯之城。巍巍峨峨似繞迦維之闕。尊卑務集大小雲奔。笙歌競奏而啾留法曲。爭陳而槽揆所冀百福被矣。千障雲祛觀勝相兮獲因。瞻妙色兮生福。總斯多善。莫限良緣。先用莊嚴。釋梵四王龍天八部。唯願增威力益神通。併妖氛驅疫癘。次持勝福奉用莊嚴。我當今聖神贊普。伏願壽永固等乾坤六幾賓四海。伏次用莊嚴節兒尚論麥及都督杜公為雲為雨濟枯涸。於明朝部落使諸官建忠貞於聖伐。然後上空窮空界傍枯十方。賴此勝因成正覺道。

行城文

應化無窮作用不倦。恩霑動植福洽生靈。天中之天獨擅其勢。至於妙事豈足繁詞。此會之瑞抑有由矣。今則四序將盡。三春肇來。送故納新。除災建福。冀清封壘保艾蒸黎。於是月殿不局霜鍾。夜擊爰集緇侶。悉索幡花出佛像。於四門遶重城而一匝儼然相好鷲嶺雲非煥爛。毫光蓮峯降步傾城傾市蕩谷搖山舍衛踰城豈用年矣。即冀四王護世百福潛加攬槍掃於天門。疫癘藏於地戶。庶雲布族喜色凝空。倒載干戈修文偃武。總斯功德迴施龍天八部。惟願威光恒赫神力無涯。災害不生禍亂不作。又持景福上資聖神贊普。惟願萬國納貢四海來庭。寶曆恒昌金石比壽。皇太子殿下雷遠震少海。長清夫人蘭桂永芳。妃嬪神花獻頌。又持勝福總用莊嚴我都督杜公祿極萬鍾。然後。

行軍轉經文

夫諸佛興悲無緣普備有情。見異感迹緣老故使歸向者福逐。願生輕毀者禍隨心起。則知禍福自致非聖愛憎者與然。今此會轉經意者。

則我東軍國相論掣脯敬為西征。將仕保願功德之建修也。伏惟相公天降英靈地資秀氣。岳山作鎮謀略坐籌。每見北勇興師頻犯邊境。抄劫人畜暴耗田苗。使人色不安峯颯數舉。我國相慢然忿起。怒髮衝冠。遂擇良才主兵西討。雖料謀指掌。百無一遺。然必賴福資保其清吉。是以遠啟三危之侶遙祈八藏之文。冀仕馬平安永寧家國。故使虔虔一志諷誦金剛。濟濟僧尼宣揚般若。想此殊勝夫何以加。先用莊嚴護世四王龍神八部。願使威光盛福力增。使西陳齊威北戎伏款。又用莊嚴行軍將相。伏願才智日新福同山積。壽命遐遠鎮坐臺階。諸將仕等三寶撫護萬善莊嚴。然後。

轉經文

我法王之利見也難可詳焉。其有歸依者果無不剋矣。然今啟龍藏宅一心擊洪鍾邀二眾者。其誰施之。則我國相論掣脯敬為西征將仕保願功德之所建矣。伏惟相公乃何岳降靈神威動物咸恩。出塞曰 撫俗安邊。一昨春初扶陽作[薩/女]標棹人畜。由是大舉軍師併除兇醜。雖兵強仕勇。然福乃禍師。是以遠杖流沙精祈轉念。今者能事遐列勝福斯圓。總用莊嚴行軍將相即體。願使諸佛護念使無傷損之憂。八部潛加願起降和之意。然後人馬咸吉仕卒保康。各守垂永除征戰。然後散霑法界普及有情。賴此方因咸登覺道。

置傘文

夫除災靜難者莫善於佛頂密言。集福延休者事資於行城念誦。今者春陽今月寒色猶威。請二部之僧尼建白幢於五所者。其誰施之。時則有節兒都督為合邑黎元報願功德之所建矣。伏惟節兒都督公平育物罄節安邊。恐瘳疾流行災殃條起。是以預修弘願建豎良因。行城將殄於妖氛。豎幢用臻乎福利。今既能事備勝願享。福長空量難比。以茲勝利先用莊嚴梵釋四王龍神八部。

置傘文

夫覩相興善者無出於應化之身。穰災祛禍者莫過乎佛頂心呪。然無身之身故現身而齊難。無說而說說心呪而持危。盛事之興莫大於茲矣。今者燉煌之府內豎白法之勝幢。設佛頂於四門。使黑業之殄掃厥。今此會其誰施之。時則有二節兒岳牧杜公等。為城惶報安之所建也。唯節兒都督以慮燉煌西極境接北胡。躍馬控弦寇盜無准。恐艾踐稼穡百減衣食之源。九農匪登使萬人壞罄懸之念。所以互相設計務在安人。若論護國匡邦無過。建斯幢傘。即冀除災殃於不毛之地。併疫癘於無何有之鄉。五穀無霜雹之災。萬品登人壽之城。先資是福奉用莊嚴聖神讚普。伏願寶位永固金石齊年。四海澄清萬方朝貢。亦持此善莊嚴節兒都督為霜為雨濟枯旱。於明朝部落使諸官建中貞於聖代。又持是善亦用莊嚴。二教授闍梨。伏願極拔殊苦超出輪迴。壽等寒松福如春草。然後薄霑動植遍及無疆。賴此勝因登正覺道。

置傘文

夫延祥展慶必賴於勝幢。掃蕪除災要資於兒力。故使善住聞其增壽。慶喜剋獲本心。魑魅畏之逃刑。天魔怖而求救。大哉神兒。無得而稱者歟。今屬和風動物蟄戶。將開幡蓋徘徊緇倫肅穆者何。所謂耶時則有我節兒。尚論及都督杜公等。並乃養人如子憂國同家。恐妖氛肆惡於城中。品物屢遭於逆厄。是以三陽令月啟三福於釋尊。四季初辰豎四門之利。總斯殊妙最上福田。盡用莊嚴梵釋四王龍神八部。伏願威光盛福力增。育黎無護軍國。我聖神贊普。唯願聖躬堅遠。日往月來。寶住恒昌。天長地久。節兒都督松皇比壽。福慶相資。部落使諸官等。唯願助理平和。惟清惟直。然後四時順五穀登。百殃除萬祥集。般若神兒諸佛所師。大眾□城一切普誦。

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號: 5 0 4 6 8 2 8 5

戶名: 財團法人佛教電子佛典基金會

欲指定特殊用途者, 請特別註明, 我們會專款專用。

線上信用卡 / PayPal 捐款

PayPal 是一個跨國線上付款機制的公司, CBETA 引用其服務, 提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜, 由於付款幣別為美元, 我們除了會依您所贊助之美元金額開立收據外, 另我們會依捐款當日公告匯率開立台幣收據, 此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
